

Mensahe 5

**Ang Dios nga Atong Magbubuot nga Magkukulon  
Naghimo Natong Iyang Mga Sudlanan nga Kasudlan Niya**

Basahong Kasulatan: Jer. 18:1-10; Isa. 64:8;  
Rom. 9:15-16, 19-23; Buh. 9:15; 2 Cor. 4:6-7

- I. Ang Dios nga atong magbubuot nga Magkukulon dunay bug-os nga katungod nato nga Iyang mga kulon: mahinungdanon nga makita nato ang panan-awon sa pagkamagbubuot sa Dios—Jer. 18:1-10; Isa. 64:8; Dan. 4:3, 34-35; Rom. 9:19-23:**
- A. Nagpasabot ang pagkamagbubuot sa walay kinutobang pagbulot-an, gahom, ug posisyon sa Dios—Bug. 4:11; 5:13:
    - 1. Isip Magbubuot, labaw sa tanan, nagpaluyo sa tanan, ug naa sa tanan ang Dios—1 Hari 22:19.
    - 2. Dunay hingpit nga kahimoan ang Dios sa pagbuhat sa gusto Niya sumala sa gitinguha sa Iyang kasingkasing ug sa Iyang walay kataposang pamatigayon—Dan. 4:34-35; Efe. 1:4-5, 9-11.
  - B. Naghisgot sa pagkamagbubuot sa Dios ang Roma 9:19-23:
    - 1. “Kinsa bay makasukol sa Iyang kabubut-on? Apan, O tawo, kinsa ka ba nga motubagtubag sa Dios? Makaingon ba ang inumol sa nag-umol kaniya, Nganong gihimo man ko nimo sa ingon niini?”—vv. 19-20:
      - a. Makaamgo gyod unta ta kon kinsa ta; mga linalang ta sa Dios, ug Siya ang Magbubuhat nato—Isa. 42:5.
      - b. Isip mga linalang Niya, dili gyod unta ta mosupak sa tuyo Niya o motubagtubag ba Niya, nga Magbubuhat—Rom. 9:20.
    - 2. “Wala bay pagbuot ang magkukulon sa kulonon sa pagbuhat gikan sa mao rang bugon og usa ka sudlanan ngadto sa kadunggan ug sa usa pa ngadto sa pagkatalamayon?”—v. 21:
      - a. Ang Dios maoy Magkukulon nato, ug kita ang kulonon sa Iyang kamot; magbubuot ang Dios nga atong Magkukulon—Jer. 18:1-6; Isa. 64:8.
      - b. Isip Magkukulon nato, dunay bug-os nga katungod ang Dios kanato; kalabot nato, duna Siyay katungod nga mobuhat sa bisan unsang gitinguha Niya; kon buot ang Dios, makabuhat Siyag usa ka sudlanan ngadto sa kadunggan ug usa pa ka sudlanan ngadto sa pagkatalamayon—Jer. 18:6; Isa. 29:16; 64:8; Rom. 9:21.
  - C. Ang pagkamagbubuot sa Dios maoy gibasihan sa pagpili Niya; nag-agad sa pagkamagbubuot Niya ang pagpili Niya—vv. 11, 18; 11:5, 28.
- II. Sa pagbuot sa Dios nga atong Magkukulon, gilalang ta Niya nga mahimong Iyang mga sudlanan nga kasudlan Niya mismo segun sa gitudlo na Niyang daan—2 Cor. 4:6-7; Efe. 4:6; 3:19; Fil. 2:13; Heb. 13:20-21; 1 Tim. 3:16; 2 Tim. 2:20-21; Efe. 1:5, 11:**
- A. Ang tuyo sa Dios sa paglalang Niya sa tawo paghimo man niining sudlanan Niya, kulonong sudlanan Niya, nga sudlan ug pun-on og Cristo nga kinabuhi aron matukod ang Lawas ni Cristo nga dakong hiniusang sudlanan sa Dios nga magpadayag Niya—Gen. 2:7; Buh. 9:15; Rom. 9:21, 23; 2 Cor. 4:7.

Mensahe 5 (sumpay)

- B. Ang sukaranong pagtulon-an sa tibuok Kasulatan mao ra kini: ang Dios gyoy sulod, ug kita ang mga sudlanan nga gihimo aron modawat sa sulod; sudlan gyod ta sa Dios ug pun-on Niya aron mahimo tang mga sudlanan ngadto sa pagkahalangdon, mabalaan, mapuslan sa agalon, maandam alang sa tanang maayong buhat—2 Tim. 2:20-21.
- C. Kon dili ta masudlan sa Dios ug dili makaila sa Dios nga sulod nato, wala tay kahu-logan—Eccl. 1:2-3, 14.
- D. Masumada ang tanang katorse ka Sulat ni Pablo sa duha ka pulong—*sudlanang bukas*:
  - 1. Unsa kasubsob nga makapaambit ang Dios sa Iyang Kaugalingon kanato nag-agad kon unsa ta kabukas Kaniya; gusto lang sa Dios nga mahigugma ta Niya ug sigeng mobukas sa atong kaugalingon Kaniya—2 Hari 4:1-7; Mat. 5:3; Juan 1:16; Isa. 57:15; 66:1-2.
  - 2. Nagsugod sa pagkatagbaw-sa-kaugalingon ang pagkadunot; nagsugod sa kagutom ug kauhaw ang pag-uswag—Deut. 4:25; Luc. 1:53; Fil. 1:25; Bug 3:16-18.

**III. Sa pagkamagbubuot sa Dios nga atong Magkukulon, duna Siyay pagbulot-an sa paghimo sa mga gipili ug gitawag Niya nga mahimong mga sudlanan sa kaluoy ngadto sa kadunganan ug himaya—Rom. 9:11, 18, 21-24:**

- A. Gipili ta sa Dios sumala sa nagbuot nga kaluoy Niya; ang kaluoy maoy kinalay-ag maabtan sa mga kaayo sa Dios, nga moluwas nato gikan sa alaot natong posisyon ngadto sa kahimtang nga angayan sa Iyang grasya ug gugma—Efe. 2:1-4; Heb. 4:16; Mat. 5:7; 7:1; 9:13:
  - 1. Segun sa natural natong kahimtang, layo kaayo ta sa Dios, dili gyod angayan sa Iyang grasya; angayan lang ta nga kaluy-an Niya—Efe. 2:4.
  - 2. Naghatag og higayon sa kaluoy sa Dios ang pagkadili-masinugtanon sa tawo, ug nagdala sa tawo ngadto sa kaluwasan ang kaluoy sa Dios—Rom. 11:32.
  - 3. Gilalang ta aron mahimong mga sudlanan sa kaluoy nga kasudlan ni Cristo nga Dios sa kaluoy—9:11-13, 16, 20-21, 23; Lam. 3:21-24; Luc. 1:78-79.
  - 4. Tungod sa kaluoy sa Dios nisanong ta sa ebanghelyo samtang wala mosanong ang uban, nidawat ta sa pulong bahin ni Cristo nga kinabuhi samtang wala modawat ang uban, ug nilakaw ta sa dalan sa pahiuli sa Ginoo samtang wala molakaw ning dalana ang uban—*Alawiton*, #296, estansa 3.
- B. “Kaluy-an Ko ang Akong kaluy-an’...Busa wala kini mag-agad sa nagbuot, o sa nagdagan, kondili sa Dios nga naluoy”—Rom. 9:15, 16:
  - 1. Ang hunahuna nato mao nga mabatonan sa nagbuot ang buot niyang mabatonan ug mabatonan sa nagdagan ang gigukod niya—v. 16:
    - a. Kon ingon pa niini, segun diay sa paningkamot ug pangabudlay nato ang pagpili sa Dios.
    - b. Iya hinuon sa Dios nga naluoy ang pagpili Niya; dili na ta mobuot pa o modagan ba, kay gikaluy-an na man ta sa Dios.
    - c. Kon nakaila ta sa kaluoy sa Dios, dili gyod ta mosalig sa atong paningkamot o mahigawad ba sa atong mga kapakyasan; naa sa kaluoy sa Dios ang paglaom sa alaot natong kahimtang—Efe. 2:4.
  - 2. Kon buot tang moalagad sa Dios sa pamatigayon Niya sa Bag-ong Tugon, kina-hanglan masayod ta nga iya ra gyod kini sa nagbuot nga kaluoy sa Dios—Rom. 9:15-16; Heb. 4:16:

Mensahe 5 (sumpay)

- a. Kon nakaila ta sa pagkamagbubuot sa Dios, magpasalamat ta Niya sa Iyang kaluoy, makaamgo nga gikaluy-an ta sa nagbuot nga kaluoy Niya—Rom. 9:15.
- b. Ang pamulong *nagbuot nga kaluoy* nagpasabot nga bug-os gyong iya sa pagkamagbubuot sa Dios ang kaluoy Niya; ang pagkasudlanan nato sa kaluoy dili man tungod sa pagpili nato; naggikan kini sa pagkamagbubuot sa Dios—v. 18.
- c. Ang masulti ra nato sa pagpatin-aw sa kaluoy sa Dios kanato mao nga sa Iyang pagkamagbubuot gipili Niya nga magmaluluy-on kanato—vv. 15-16, 23.
3. Sa nagbuot nga kaluoy sa Dios gikiling nato Kaniya ang atong kasingkasing; kay gikaluy-an man ta Niya, nagtinguha ta Niya adlaw-adlaw—Jer. 29:12-13; Deut. 4:29; Isa. 55:6; Sal. 27:8; 105:4; 119:2; Heb. 11:6.
4. Labi tang makakita nga may kalabotan sa kaluoy sa Dios ang tanang kalabot nato, labi nga mangako ta sa atong kaakohan atubangan sa Ginoo; apan bisan ang pagkaandam natong mangako tungod man sa kaluoy sa Dios.
5. Kalabot sa pahiuli sa Dios, kaluy-an Niya ang Iyang kaluy-an.
- C. Gipadayag sa Roma 9 ang prinsipyo nga nag-agad sa kaluoy sa Dios ang tanan—vv. 15-16:
  1. Giaplikar ni apostol Pablo sa mga Israelinhon kining prinsipyoha, nagpakita kanato nga tanang nahitabo nila tungod man sa kaluoy sa Dios—vv. 16, 23.
  2. Duna gyod untay labing menos usa ka higayon nga makakita ta sa kaluoy sa Dios ug piho gyong makatandog niini—Efe. 2:4; Mat. 9:13:
    - a. Kalabot ning butanga, kinahanglan maablihan ang atong mga mata labing menos sa makausa; duna gyod untay labing menos usa ka higayon nga makita nato nga nag-agad sa kaluoy sa Dios ang tanan.
    - b. Makita ba dayon nato kini sa usa lang ka higayon o maamgohan ba nato pinaagi sa kahikayan, sa panahon gyod nga matandog nato kining butanga, dili pagbati ang matandog nato kondili kamatuoran; kining kamatuorana mao nga nag-agad sa kaluoy sa Dios ang tanan.
- D. “Busa manuol ta uban sa kaisog sa trono sa grasya aron makadawat tag kaluoy ug makakaplag og grasya nga tabang sa panahon sa panginahanglan”—Heb. 4:16, itandi sa v. 15; Luc. 15:20-24.
- E. Sa pagkamagbubuot sa Dios Amahan gikaluy-an ta Niya; busa, daygon ug simbahon gyod nato Siya tungod sa nagbuot nga kaluoy Niya:
  1. “Amahan, nagpahimulos mi’s Imong kaluoy, / Nga kanunayng lunhaw ug bag-o, / Matag buntag gipadangat kanamo, / Naglunhaw daw yamog. / Pagkalami gyod niini! / Busa magdayeg mi Nimo”—*Mga Alawiton*, #26, estansa 5.
  2. “Amahan, ang kaluoy Mo lakip sa Imong gugma ug grasya, / Naamo na; / Ug sa Imong kaluoy, sa Imong atubangan, / Magpabilin mi kanunay; / Ug tungod sa Imong kaluoy simbahon Ka namo, / Sa tanan namong mga adlaw ngadto sa eternidad!”—*Mga Alawiton*, #25, estansa 3.
- F. Gilalang ta aron mahimong mga sudlanan sa kaluoy ngadto sa kadungganan aron kasudlan ni Cristo nga Dios sa kadungganan (2 Tim. 2:20-21; Rom. 9:21) aron magpasidungog ta sa Dios ug sa mga tawo (Huk. 9:9):
  1. Ang pagkasudlanan nato ngadto sa kadungganan dili man tungod sa pagpili nato; naggikan kini sa pagkamagbubuot sa Dios—Rom. 9:21.
  2. Mga sudlanan ngadto sa kadungganan ang mga magtutuo nga dunay Cristo nga bahandi nila tungod sa pag-anak pag-usab—2 Cor. 4:6-7.

Mensahe 5 (sumpay)

3. Mga sudlanan ngadto sa kadungganang mga magtutuo tungod sa paghinlo nila sa ilang kaugalingon gikan sa mga sudlanan ngadto sa pagkatalamayon—2 Tim. 2:20-21.
  4. Ang mga sudlanan ngadto sa kadungganang kadto mang nagpasidungog sa Dios sa pagkinabuhi ug paggawi nila pinaagi sa Espiritu (Gal. 5:16, 25) ug kadtong nagpasidungog sa mga tawo sa pagpangalagad nila sa Espiritu ngadto nila (2 Cor. 3:6, 8).
- G. Gilalang ta aron mahimong mga sudlanan sa kaluoy ngadto sa himaya aron kasudlan ni Cristo nga Dios sa himaya:
1. Ang himaya mao ang Dios mismo nga napadayag ug napakita—Jer. 2:11; Buh. 7:2, Efe. 1:17; 1 Cor. 2:8; 1 Ped. 4:14; Col. 2:9; Sal. 24:7-10.
  2. Nakasulti ang Ginoo sa Amahan nga, “Gihimaya na Ka Nako dinhi sa yuta, gihuman ang buhat nga gipabuhat Nimo Nako” (Juan 17:4); nagpasabot kini nga sa nagkinabuhi ang Ginoo dinhi sa yuta, gipakita ug gipadayag Niya ang Amahan.
  3. Ang paggula sa himaya sa pagkadios ni Cristo (Luc. 12:49-50) paghimaya man sa Amahan Kaniya sa diosnong himaya (Juan 12:23-24) sa pagkabanhaw Niya (Buh. 3:13) pinaagi sa pagkamatay Niya; sa pagkahimaya ni Cristo, Siya, nga kataposang Adam, nahimong Espiritung taghatag-og-kinabuhi alang sa diosnong pagpaambit Niya (Juan 7:39; Luc. 24:26, 46; 1 Cor. 15:45; 2 Cor. 3:6).
  4. Isip mga sudlanan sa kaluoy ngadto sa kadungganang himaya, giandam ta sa Dios ngadto sa himaya pinaagi sa paghimaya—ang kataposang lakang sa hingpit nga kaluwasan sa Dios—Rom. 8:21, 23, 29-30; Fil. 3:21.
  5. Segun sa nagbuot nga pagbulot-an Niya, gilalang, giporma, ug gihimo man ngani ta sa Dios aron mahimaya Siya—Isa. 43:7; Rom. 9:23:
    - a. Gitudlo tang daan sa pagkamagbubuot Niya nga mahimong mga sudlanan Niya aron mahimayaon Siyang mapadayag ug mapakita.
    - b. Kini ang kinalabwang kagamitan nato sa Dios—ang tumong sa pagpili sa Dios segun sa pagkamagbubuot Niya—vv. 11, 18.
    - c. Ang paghimaya sa Dios maoy tumong sa atong pag-alagad—7:6; 11:36.
    - d. Ang kinalabwang pag-alagad nato sa Dios pagpadayag man Kaniya aron mahimaya Siya—1 Cor. 6:20; 10:31; Rom. 6:4.
    - e. Giumol nganha sa iglesia ang himaya sa Dios, ug gipadayag Siya diha sa iglesia; busa, ngadto sa Dios ang himaya diha sa iglesia; sa ato pa, gihimaya ang Dios diha sa iglesia—Efe. 3:16, 20-21.
  6. Naa nato kining bahandi, si Cristo nga Dios sa himaya nga nagpuyo-sa-sulod nato nga kulonong mga sudlanan (2 Cor. 4:7); “kining bahandi” (v. 7) nga nagpuyo-sa-sulod nato mao ang “nawong ni Jesucristo” (v. 6), ang presensya ni Cristo, “ang persona ni Cristo” (2:10).
  7. Ipatumong ngani nato sa Ginoo ang atong kasingkasing, nagtan-aw ta sa Ginoong Espiritu nga presensya ni Cristo sulod sa atong espiritu, ug “kamulo [tang] gitransporma ngadto sa mao ra nga dagway gikan sa himaya ngadto sa himaya, ingon nga gikan gyod sa Ginoong Espiritu”—3:16-18; itandi sa 2 Tim. 4:22.
  8. Ang pagtan-aw sa himaya sa Ginoo pagkakita man nato mismo sa Ginoo; ang pagpasumbalik sa himaya sa Ginoo pagpakita man Kaniya sa uban pinaagi nato—Isa. 60:1, 5.